

Na osnovu članova 10 i 12 Zakona o udruženjima i fondacijama Bosne i Hercegovine ("Službeni glasnik BiH", broj: 32/01, 42/03, 63/08, 76/11 i 94/16), Osnivačka skupština Udruženja za zaštitu okoliša i unapređenje turizma STEP (u daljem tekstu Udruženje), na sjednici dana 10.08.2017. godine u Sarajevu, donosi:

## STATUT

### Udruženja za zaštitu okoliša i unapređenje turizma STEP

#### I – Osnovne odredbe

##### Član 1.

Udruženje je osnovano Odlukom o osnivanju usvojenom na sjednici Osnivačke skupštine održanoj dana 10.08.2017. godine u Sarajevu, u skladu sa Zakonom o udruženjima i fondacijama Bosne i Hercegovine.

##### Član 2.

Ovim Statutom, u skladu sa Članom 12 Zakona o udruženjima i fondacijama Bosne i Hercegovine, uređuju se:

- a) naziv udruženja, skraćeni naziv ukoliko postoji, i adresu udruženja;
- b) ciljevi i djelatnosti udruženja;
- c) postupak za primanje i isključivanje članova;
- d) organe udruženja, način na koji se biraju, ovlaštenja koja imaju, kvorum i pravila glasanja, trajanje mandata, lice ovlašteno da sazove skupštinu, uslovi i način raspuštanja, odnosno prestanak rada;
- e) pravila za ostvarivanje, korištenje i raspolaganje sredstvima udruženja, kao i organ koji je ovlašten za nadzor nad korištenjem tih sredstava, način podnošenja finansijskog izvještaja i izvještaja o radu;
- f) javnost rada;
- g) postupak za izmjenu i dopunu statuta, ovlaštenje i način donošenja drugih općih akata;
- h) opis oblika i sadržaj pečata i znaka udruženja;
- i) zastupanje udruženja;
- j) uslove i postupak za spajanje, podjelu odnosno prestanak rada udruženja, uključujući i bilo kakav poseban kvorum ili pravila za postizanje kvalifikovane većine u postupku glasanja; i
- k) postupak za raspolaganje preostalim imovinom ili drugim sredstvima u slučaju raspuštanja ili prestanka rada udruženja.

## **II – Naziv i sjedište udruženja**

### **Član 3.**

Naziv Udruženja na tri jezika koja su u službenoj upotrebi u Bosni i Hercegovini glasi:

1. Udruženje za zaštitu okoliša i unapređenje turizma STEP
2. Udruga za zaštitu okoliša i unapređenje turizma STEP
3. Удружење за заштиту околине и унапређење туризма СТЕП

Skraćeni naziv Udruženja na tri službena jezika koja su u upotrebi u Bosni i Hercegovini:

1. Udruženje STEP
2. Udruga STEP
3. Удружење СТЕП

### **Član 4.**

Adresa sjedišta udruženja je: Vrela do 18, 71 210 Ilidža

### **Član 5.**

Udruženje ima djelovanje na području Bosne i Hercegovine. Udruženje može otvarati svoje urede/kancelarije izvan svog sjedišta na cijeloj teritoriji Bosne i Hercegovine u skladu sa Zakonom, a koji nemaju svojstvo pravnog lica.

## **III – Ciljevi i djelatnosti udruženja**

### **Član 6.**

Ciljevi i djelatnosti Udruženja su:

- Rad i učešće u pisanju projekata, naučnih članaka i publikacija iz oblasti zaštite okoliša;
- Učestvovanje u edukaciji javnosti o problemima zaštite okoliša;
- Podrška institucijama i organizacijama koje vode ka ekološkom razvoju zajednice;
- Promovisanje saradnje između sva tri sektora društva: javne uprave, poslovnog sektora i neprofitnog sektora na jačanju ekološke svijesti;
- Poticanje promocije turizma i turističkih resursa u Bosni i Hercegovini;
- Zalaganje za identifikaciju i valorizaciju potencijalnih i postojećih turističkih resursa;
- Isticanje važnosti razvoja održivog turizma;
- Isticanje važnosti seoskog i ruralnog turizma kao održivog vida turizma;
- Kreiranje i učestvovanje na projektima iz oblasti turizma;

## Član 7.

Utvrđene ciljeve udruženje ostvaruje na način određen zakonom, ovim Statutom i drugim općim aktima udruženja.

## IV – Članstvo u udruženju

### Član 8.

Članstvo u udruženju je dobrovoljno. Član udruženja može postati svaki državljanin Bosne i Hercegovine, kao i strani državljani koji imaju boravište u Bosni i Hercegovini, pod uslovom da prihvate Statut i ciljeve Udruženja.

Odluku o prijemu novog člana udruženja donosi Skupština udruženja.

Popis članova udruženja vodi se elektronski i sadrži:

- ime, prezime, odnosno naziv člana, s adresom prebivališta;
- datum pristupanja i broj pristupnice udruženja;
- vrstu članstva udruženja, u skladu sa statutom;
- datum prestanka članstva u udruženju.

### Član 9.

Udruženje razlikuje dvije vrste članova: aktivni član i počasni član.

### Član 10.

Aktivni članovi udruženja imaju sljedeća prava i obaveze:

- da aktivno učestvuju u radu udruženja i ostvarivanju njegovih ciljeva;
- da biraju i budu birani u organe udruženja;
- da daju inicijative, prijedloge i sugestije u vezi sa aktivnostima organa udruženja;
- da izražavaju svoju kreativnost i kooperativnost;
- da budu redovno i blagovremeno obaviješteni o aktivnostima udruženja;
- da sarađuju sa ostalim članovima i članicama udruženja;
- da čuvaju i podižu ugled udruženja;
- da ostvaruju druga prava i obaveze utvrđene ovim Statutom i drugim općim aktima udruženja.

Počasni članovi udruženja imaju sljedeća prava i obaveze:

- da povremeno učestvuju u radu udruženja i ostvarivanju njegovih ciljeva;
- da daju inicijative, prijedloge i sugestije u vezi sa aktivnostima organa udruženja u kojima učestvuju;
- da izražavaju svoju kreativnost i kooperativnost;
- da budu redovno i blagovremeno obaviješteni o aktivnostima udruženja;

- da sarađuju sa ostalim članovima i članicama udruženja;
- da čuvaju i podižu ugled udruženja;

#### Član 11.

Članstvo u udruženju prestaje:

- istupanjem člana,
- isključenjem člana,
- smrću člana.

#### Član 12.

Svaki član udruženja može istupiti iz udruženja na osnovu pismene izjave o istupanju koju dostavlja Skupštini udruženja.

Kao dan prestanka članstva smatrat će se datum prijema izjave o istupanju.

#### Član 13.

Član udruženja koji grubo krši Statut udruženja, ne izvršava svoje obaveze prema udruženju ili svojim postupcima nanosi štetu udruženju ili narušava njegov ugled može biti isključen iz udruženja.

Odluku o isključenju člana iz udruženja donosi u pismenoj formi Predsjednik udruženja. Prije donošenja odluke o isključenju, član udruženja mora biti obaviješten o prijedlogu za isključenje kao i o razlozima zbog kojih se predlaže isključenje.

Član udruženja ima pravo žalbe na odluku o isključenju u roku od 15 dana, od dana prijema odluke o isključenju.

Odluka Skupštine nakon podnošenja žalbe je konačna.

### **V – Organi udruženja**

#### Član 14.

Posebnom odlukom Skupštine udruženja utvrđuje se unutrašnja organizacija udruženja (odbori i podružnice).

#### Član 15.

Organi udruženja su:

- Skupština
- Predsjednik udruženja

## Skupština udruženja

### Član 16.

Skupština udruženja je najviši organ odlučivanja udruženja, koju čine svi članovi udruženja.

### Član 17.

Skupština udruženja nadležna je za:

- donošenje Statuta, izmjene i dopune Statuta i drugih općih akata određenih Statutom;
- uslove i postupak za spajanje, podjelu odnosno prestanak rada udruženja, uključujući i bilo kakav poseban kvorum ili pravila za postizanje kvalifikovane većine u postupku glasanja;
- bira, imenuje i razrješava Predsjednika Skupštine Udruženja;
- bira, imenuje i razrješava Predsjednika Udruženja.
- izbor i razrješenje drugih organa udruženja;
- razmatranje i odlučivanje o izvještajima koje podnosi Predsjednik Udruženja;
- usvajanje godišnjeg plana rada, na prijedlog Predsjednika Udruženja;
- odlučivanje o ostalim pitanjima koja nisu stavljena u nadležnost drugih organa udruženja;
- donosi poslovnik o radu Skupštine;

### Član 18.

Skupština udruženja sastaje se po potrebi, a najmanje jednom u godini dana.

Skupštinu saziva Predsjednik Skupštine najmanje 30 dana prije njenog zasjedanja.

Predsjednik Skupštine dužan je sazvati Skupštinu u slučaju kada to zahtijeva najmanje jedna trećina članova Skupštine.

### Član 19.

Skupština udruženja ima kvorum za rad ako joj prisustvuje više od polovine ukupnog broja članova.

Skupština udruženja odlučuje dvotrećinskom većinom glasova prisutnih članova, osim ako neka druga većina nije predviđena ovim Statutom.

### Član 20.

Skupština bira Predsjednika Skupštine.

Predsjednik Skupštine obavlja slijedeće poslove:

- saziva sjednice Skupštine,
- predsjedava sjednicama;
- obavještava javnost o radu udruženja
- i vrši druge poslove za koje je ovlašten Statutom

Mandat Predsjednika Skupštine je 2 godine sa mogućnošću reizbora.

#### Član 21.

Bliže odredbe o načinu rada Skupštine, glasanja, odlučivanja, upućivanja poziva na sjednice, vođenju zapisnika i drugim pitanjima od značaja za rad Skupštine uređuju se Poslovníkom o radu Skupštine.

### **Predsjednik Udruženja**

#### Član 22

Svakodnevni poslovima i aktivnostima udruženja upravljati će Predsjednik, koji se imenuje u skladu sa Statutom i djelovati će u tom svojstvu u periodu od 4 godine sa mogućnošću ponovnog izbora.

Predsjednik Udruženja je odgovoran Skupštini i može biti smijenjen u skladu sa ovim Statutom.

#### Član 23.

Predsjednik Udruženja ima pravo da u ime udruženja, osim za pitanja koja spadaju u direktnu nadležnost Skupštine:

- upravlja sredstvima udruženja;
- zaključuje ugovore;
- predstavlja i zastupa udruženje;
- provodi politiku, zaključke i druge odluke koje je donijela Skupština;
- nastupa u odnosima sa trećim stranama, javnim ili privatnim;
- priprema godišnji budžet i dostavlja Skupštini na usvajanje;
- priprema izvještaje o svom radu i aktivnostima udruženja i podnosi Skupštini na usvajanje;
- obnaša dužnosti poslodavca i to zapošljavanje, upravljanje, evaluiranje i otpuštanje zaposlenika i volontera Udruženja, a u konsultaciji sa Skupštinom;
- angažira se na namicanju sredstava;
- održava stalne kontakte sa javnošću;
- promovira ciljeve udruženja;
- priprema nacrt Statuta i drugih općih akata udruženja;
- obavlja i druge poslove koje mu stavi u nadležnost Skupština

#### Član 24.

Predsjednik Udruženja postavlja i razrješava Skupština.

#### Član 25.

Predsjednik Udruženja ne može biti Predsjednik Skupštine

#### Član 26.

Predsjednik Udruženja ima pravo da kao stručna osoba, sudjeluje na sastancima organa Udruženja.

#### Član 27.

Skupština može otpustiti Predsjednika Udruženja i prije isteka mandata u slučaju:

- da nakon pismene opomene nije bio sposoban unaprijediti rad u području za koje je bio opomenut;
- da je izgubio povjerenje članova Skupštine;
- osude za kriminalno djelo u Bosni i Hercegovini ili inostranstvu.

#### Član 28.

U slučaju da Skupština smijeni Predsjednika/icu Udruženja ili da on da ostavku na poziciju, nova osoba treba biti izabrana u roku od 30 dana.

Skupština će odrediti osobu koja će obavljati poslove Predsjednika Udruženja, do izbora novog Predsjednika Udruženja.

### **VI – Imovina udruženja i korištenje i raspolaganje sredstvima udruženja**

#### Član 29.

Imovinu udruženja čine stvari (pokretne i nepokretne), imovinska i druga pravna i finansijska sredstva.

#### Član 30.

Udruženja svoju imovinu stiče u skladu sa Zakonom i ovim Statutom iz sljedećih izvora:

- donacija, dobrovoljnih priloga i poklona javnih institucija, fizičkih i pravnih lica, kako u gotovini tako i u imovini i uslugama;
- donatorskih i sponzorskih prihoda međunarodnih i domaćih vladinih i nevladinih organizacija;
- članarina;
- državnih subvencija i ugovora sa državom, državnim i javnim institucijama, fizičkim i pravnim licima;
- prihoda stečenih kroz ostvarivanje ciljeva i aktivnosti udruženja;
- vlastitih prihoda i drugih izvora u skladu sa važećim zakonima.

#### Član 31.

O stjecanju prihoda, korištenju imovine i raspolaganju sredstvima udruženja odlučuju organi Udruženja, na odgovoran i zakonit način, u najboljem interesu udruženja i u skladu sa ovim Statutom i općim aktima udruženja.

#### Član 32.

Osoba ovlaštena za potpisivanje akata koja se odnose na stjecanje i raspolaganje imovinom udruženja i za finansijsko poslovanje je predsjednik udruženja.

#### Član 33.

Udruženje vodi poslovne knjige u skladu sa zakonom.

Poslovne knjige i knjigovodstvene evidencije moraju biti obrazovane i vođene tako da organima nadležnim za kontrolu poslovanja omoguće nesmetan uvid u korištenje i raspolaganje sredstvima za rad i finansijsko poslovanje.

#### Član 34.

Predsjednik Udruženja podnosi finansijski izvještaj i godišnji izvještaj o radu u skladu sa zakonom Skupštini udruženja.

Finansijski izvještaj Predsjednik Udruženja dužan je čuvati najmanje pet godina.

Predsjednik Udruženja dužan je da uredno vodi poslovne knjige i podnosi finansijske izvještaje u skladu s propisima kojima se uređuje računovodstvo neprofitnih organizacija.

### **VII – Javnost rada udruženja**

#### Član 35.

Rad udruženja je javan.

Javnost rada udruženja ostvaruje se na način utvrđen zakonom i ovim Statutom.

#### Član 36.

Članovi udruženja imaju pravo biti redovno informirani o radu svih organa udruženja.

O informiranju članova udruženja stara se Predsjednik Udruženja i Predsjednik Skupštine.

#### Član 37.

Izuzetno, općim aktom koji donosi Skupština može se utvrditi da pojedine informacije, podaci i isprave predstavljaju poslovnu tajnu. Istim aktom mogu se utvrditi lica odgovorna za korištenje i zaštitu informacija koje imaju karakter poslovne tajne.

Za poslovnu tajnu ne mogu se odrediti podaci koji su javni po zakonu i drugim propisima kao ni podaci o kršenju zakona i drugih propisa.



## **VIII - Izmjene i dopune Statuta i donošenje drugih općih akata**

### **Član 38.**

Inicijativu za izmjene i dopune Statuta može podnijeti predsjednik udruženja. Inicijativa se podnosi Skupštini udruženja, pisanim putem i s odgovarajućim obrazloženjem.

### **Član 39.**

Prijedlog za izmjene i dopune Statuta utvrđuje Skupština udruženja.

Skupština udruženja dužna je donijeti odluku o prijedlogu za izmjene i dopune Statuta u roku od 30 dana od dana podnošenja prijedloga.

### **Član 40.**

Pored Statuta, organi udruženja mogu donositi i druge opće akte i to:

- odluke,
- pravilnike i
- poslovnike.

Opći akti udruženja moraju biti u saglasnosti sa zakonom i Statutom udruženja.

### **Član 41.**

Odluke kao opći akti donose se u slučajevima kada je to izričito utvrđeno zakonom i ovim Statutom, kao i u drugim slučajevima kada se na opći način uređuju pitanja od značaja za ostvarivanje ciljeva udruženja.

### **Član 42.**

Pravilnikom se na opći način uređuju odnosi između članova udruženja, kao i međusobni odnosi organa udruženja u ostvarivanju njihovih nadležnosti.

### **Član 43.**

Poslovníkom se bliže uređuje način rada organa udruženja u izvršavanju njihovih nadležnosti utvrđenih Statutom.

## **IX - Oblik i sadržaj pečata i znaka**

### **Član 44.**

Pečat udruženja je okruglog oblika prečnika 30mm, koji u sebi sadrži puni naziv udruženja na bosanskom jeziku „Udruženje za zaštitu okoliša i unapređenje turizma STEP“ sa nazivom grada sjedišta Udruženja Ilidža. U sredini pečata nalazi se znak Udruženja opisan u članu 45. ovog statuta.

Za čuvanje i upotrebu pečata odgovoran je Predsjednik udruženja.

#### Član 45.

Znak Udruženja se sastoji od dvije stope, crne boje, peta jedne stope je u obliku granica Bosne i Hercegovine, a peta druge stope je u obliku znaka za reciklažu. Između dvije stope nalazi se planeta Zemlja, koja je zelene boje. Na dnu znaka nalazi se skraćeni naziv Udruženja, Udruženje STEP, koji je zelene boje.

### **X - Zastupanje i predstavljanje udruženja**

#### Član 46.

Udruženje zastupa i predstavlja Predsjednik/ica udruženja.

#### Član 47.

U slučaju spriječenosti osoba ovlaštenih za zastupanje i predstavljanje u vršenju povjerenih poslova, Skupština udruženja posebnom odlukom imenovat će osobu za zastupanje i predstavljanje.

Odlukom iz prethodnog stava, Skupština udruženja će utvrditi i ovlaštenja, odnosno, ograničenja ovlaštenih lica u zastupanju udruženja.

#### Član 48.

U postupcima u kojima udruženje učestvuje kao stranka radi ostvarivanja svojih prava, dužnosti i odgovornosti pred nadležnim organima, predsjednik udruženja može dati pismenu punomoć za zastupanje advokatu ili drugom stručnom licu.

### **XI - Uslovi i postupak za spajanje, podjelu odnosno prestanak rada udruženja**

#### Član 49.

Udruženje se može spojiti ili razdvojiti samo u drugo udruženje

#### Član 50.

Odluku o pripajanju, razdvajanju Udruženja donosi Skupština udruženja.

Odlukom iz prethodnog stava naročito se regulira:

- naziv udruženja koje nastaje razdvajanjem, odnosno, naziv udruženja kojem se udruženje pripaja, kao i sjedište i adresa;
- podjela imovine, prava i obaveza;
- ciljevi udruženja nakon razdvajanja, pripajanja;

- imena osoba ovlaštenih za obavljanje poslova u podnošenju zahtjeva za upis u registar izvršene promjene statusa udruženja.

#### Član 51.

Odluka iz Člana 53. ovog Statuta smatra se usvojenom kada ju na sjednici Skupštine potvrdi više od polovine od ukupnog broja članova udruženja.

#### Član 52.

Udruženje može prestati sa radom dobrovoljno ili po sili zakona.

U slučaju dobrovoljnog prestanka rada udruženja, skupština usvaja plan likvidacije koji je u skladu sa ovim statutom.

#### Član 53.

1. Udruženje prestaje raditi ako:

- skupština udruženja dvotrećinskom većinom donese odluku o prestanku rada ili odluku o spajanju i podjeli udruženja;
- se utvrdi da je udruženje prestalo djelovati.

2. Smatrat će se da je udruženje prestalo djelovati kada:

- je proteklo dvostruko više vremena od vremena utvrđenog statutom udruženja za održavanje skupštine udruženja, a skupština nije održana;
- se broj članova udruženja smanji ispod broja tri, a Predsjednik Udruženja u roku od tri mjeseca od nastupanja ove okolnosti ne donese odluku o prijemu novih članova udruženja;

#### Član 54.

Istovremeno sa odlukom o raspuštanju udruženja, Skupština udruženja donosi plan likvidacije udruženja, kojim se utvrđuje raspored imovine, prava i obaveze, u skladu sa Statutom Udruženja..

Nakon raspuštanja i prestanka s radom i izmirenja obaveza udruženje preostalu imovinu i sredstva podijelit će na način utvrđen usvojenim planom likvidacije, drugom registrovanom udruženju koje ima iste ili slične ciljeve i djelatnosti.

## **XII – Prijelazne i završne odredbe**

#### Član 55.

Za tumačenje odredbi ovog Statuta nadležna je Skupština udruženja.


Član 56.

Ovaj Statut stupa na snagu danom usvajanja na sjednici Osnivačke skupštine, a primjenjivat će se od dana upisa udruženja u Registar kod nadležnog ministarstva.

Broj: 02/17

Sarajevo, 10.08.2017.

Predsjednik Skupštine

\_\_\_\_\_

Mušić Zlatan

**OVJERAVA**  
**Ministarstvo pravde**  
**Bosne i Hercegovine**

Broj: UP09-07-1-1673/17  
Sarajevo, 20.10.2017.godine

**POMOĆNIK MINISTRA**

**Fazila Musić**

